

**Босьт
ПРИМЕР**

Коми Республикаса шылада-драмаа театрысь артистка Анна Попова вермис «Звёздный калейдоскоп» интернет-конкурсын.

Медбура сьыліс

Чувашияысь культура да искусство институт 2016 вося мартын медводдзаысь на нуодіс интернет-конкурс, кытчö вермисны пырöдчыны сьылысь-йöктысь да театрöд ёртасысь томуров. Анна Попова петкöдчöма сэни коми сьыланкывйöн.

Артистка 2007 восянь уджалö театрын. Ворсöм кындзи сьылö и театрбердса «Парма» ансамбльын. Кык кужöмлуныс öта-мöдсö оз торкны, мöдарö на, отсалöны восьтыны рольсö паськыдджыка. Сідз, Александр Ларевлöн «Прöщай, любовь?!» спектакльын Анна ворсö Машаöс. И артисткалöн сьывны кужöмлуныс лö мөрччанаджык видзöдысьяслы — öд нывлöн сьölöмлы колö радейтöм, а муса зонмыслы — оз.

Бура ворсö Аня и «Ясöвйын» Ёрны зонкалысь роль. Сьысь артисткалы вичмыліс театрсянь Почёт грамота.

2011 воын театрын пуктылісны «Йöкты, муслун!» спектакль. Сэни Анна ворсис Лисенаöс. Медым рольыс лоис гөгөрвоанаджыкөн, артисткалы коліс восьты-



ны сьылан-йöктан мастерлуныс. И Анналöн тайö артмис. 2012 воын «Парма лов» спектакльын сійö ворсис Джеджим-пармаын да Биармияын олысьöс. «Ручильöй да Кöчильöй» опера-мойдын том морт кужöмön петкöдліс Кöчöс. Тайö спектакльын уджсö вöлі донъялöма Коми Республикаса правительстволöн премияöн. Сёрöнджык, 2012 вося январын, Анна Поповалы сетісны культура министерствосянь Почёт грамота.

«Эжва Перымса зонка» спектакльын, кодöс пуктöма Владимир Тиминлöн роман серти, Анна ворсö Тикöлысь чойсö — Кыйваöс, а такöд тшöтш велöдö ёртгьяссö колана ногөн сьывны.

Анна Поповалöн мича, мыла да ён гөлöсыс Енсянь. И тайö сетö поэялун артисткалы ворсны сьöкыд вокала партияяс, а нывлöн аслыспölöс мичлуныс дыр кежлö кольö видзöдысьяслөн паметьö.



Мый лöма мортскöд? Пырисьтöм-пыр висьтавны ассьыс сьölöмкылöмгьяссö сійö эз вермы, абу ёна сёрниа да. Вöлөмкö, «Артекыд» ёна вежö морттö. Быттö вежа ваö пö сунгысьлан. Сэтчöс сменаыс нюжалö куим вежон. Кыдзи пийö шуö, медводдза кык-куим луныс кыссьö ёна кузя — велалан выльлаö, тöдмасын тэ кодö жö ныв-зонкöд, лагернас, вожатöйяскöд öти кывйö воöдчан. А бөръя вежоныс пö здукөн лэбö. И сэтшöм пö абу окота мунны сэтгысь.

Ме ассьым школаын велöдчан кадöс казгытшта. Миян сиктысь «Артекад» лыда морт ветліс. А сэтшöм окота вöлі быдöнлы! Но!.. Кыдзи шулісны мам-бать да велöдысьяс, медым пö веськавны сэтчö, колö вывті бура велöдчыны, кужны мыйкö сэтшöмтор вöчны, мый мукöдыслөн оз арты. Тыдалö, менам сэтшöм торъялöмыс эз вöв, со тай эг и веськавлы «Артекад». А пийö автoмоделированиеöн куим во нин занимайтчö да, унакодö ордйысьöмын нин медводдза местаяс шедöдліс. Со и вöзйисны сылы ветлыны, весиг кыкласянь путёвкасö сетісны. Дерт, öтарсьыс ковмис öткажитчыны.

«Артекад» миян республикаысь март 13 лунö кызы ныв-зон мунöмаöсь, бöрсö воöмаöсь апрель медводдза лунгьясö. Ставныс веськалöмаöсь «Лазурнойö», но торъя отрядгьясö. Кодкö, гашкö, оз тöд, мый «Артекыд» зэв ыджыд лагер. И челядьöс сэни овмöдöны ичöтджык ингьясö: «Лазурной», «Янтарной», «Морскöй» да мукöд. Сэсся тайö на торъя ичотик ла-